



Халқ сўзи

Ўзбекистон —
Келажаги
буюк
давлат

2024 йил — Ёшлар ва бизнесни қўллаб-қувватлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2024 йил 5 январь, № 3 (8626)

Жума

Сайтимида Утиш учун QR-кодни телефонингиз орқали сканер қилинг.



СУВДАН ФОЙДАЛАНИШ САМАРАДОРЛИГИНИ ОШИРИШ ЧОРАЛАРИ КЎРИБ ЧИҚИЛДИ

Президент Шавкат Мирзиёев 4 январь кун кишлоқ хўжалигида сув ресурсларидан фойдаланиш самарадорлигини оширишга қаратилган таклифлар тақдироти билан танишди.

Сув танқислиги тобора кучаяётган бугунги замонда мамлакатимизда уни қадрлаш, тежаб фойдаланишга алоҳида эътибор қаратиш керак. Сўнгги йилларда 472 минг гектар ер томчилатиб ва 48 минг гектари ёмғирлатиб сугоришга ўтказилди, 97 минг гектарда бошқа сув тежовчи технологиялар жорий қилинди. 649 минг гектар ер лазерли текисланди.

Шундай чора-тадбирлар натижасида биргина 2023 йилда 2 миллиард куб метр сув тежалган. Бу Бухоро вилоятининг бир йиллик сув сарфига тенгдир.

Ушбу ишлар кўламини янада кенгайтириш ҳаракатларига тизимдаги айрим муаммолар ҳалал бермоқда. Масалан, туман ирригация бўлиmlарининг ваколатлари хўжаликлараро каналлар билан чекланган. Сув етказиш хизматлари самарали молилаштирилмаган. Техжор устуналар ўрнатиш учун тижорат банклари томонидан ажратилган кредитлар фермерларни ўзига жалб қилмайди.

Шу боис давлатимиз раҳбарининг топишига асосан, куйи бўғинда сув ресурсларини бошқариш тизимини такомиллаштириш ҳамда сув ресурсларидан фойдаланиш самарадорлигини ошириш бўйича таклифлар ишлаб чиқилди.

Унга кўра, туман ирригация бўлиmlари ва махсус хизматлар негизда “Сув етказиш бериш хизматлари” давлат муассасалари ташкил қилинади. Улар экскаватор ва бошқа техникалар билан таъминланади. Бу сугориш тармоқларига хизмат кўрсатиш ишларини икки баробарга арзонлаштирилади.

Шунингдек, барча сугориш тармоқларини хатловдан ўтказиш, эгалари бўйича бириктириш ҳамда ҳар бирининг ягона идентификацион рақамини ишлаб чиқиш кўзда тутилмоқда.

Маълумки, жорий йилдан далагача етказилган 1 куб метр сув учун солиқ 100 сўм этиб белгиланди. Кўпчиликнинг онгиде ўрнашиб қолган “сув — текин” деган тушунчани ўзгартириш вақти келди.

Сув истеъмолчилари билан

ҳисоб-китобни шу тамойил асосида йўлга қўйиш таклиф қилинмоқда. Жумладан, 2025 йилдан бошлаб, далада сув ҳисоблагич ўрнатган ва тежамкор технологияларни қўллайдиган фермерлар учун солиқ коэффициенти камайтирилади. Аксинча ҳолатларда эса оширилади. Шу билан бирга, сув етказиш бериш учун тўловлар бекор қилинади.

Йиғилишда сув тежовчи технологияларни жорий қилишни рағбатлантириш чоралари ҳам кўриб чиқилди.

Қайд этилганидек, бунинг учун имтиёзли кредит линияси ташкил қилинмоқда. Хусусан, кредитлар 2 йиллик имтиёзли давр билан 5 йил муддатга 14 фоизлик ставкада ажратилади. Қорақалпоғистон Республикаси ва Хоразм вилоятларидаги лойиҳалар учун эса 10 фоиз бўлади. Кредит олишда фермерлардан мол-мулк гарови талаб қилинмайди.

Шунингдек, кредитлар он-лайн ажратилиши йўлга қўйилмоқда. Бу борада “Агробанк” АТБ томонидан “Suvkredit.uz” тизими ишлаб чиқилган. Яна бир муҳим томони, энди пудратчиларга сув тежовчи технологияларни фақат ишчи лойиҳа асосида қуриш, ўрнатилган тизимларга камида 2 йиллик кафолат бериш ва камида 5 йиллик сервис хизмати кўрсатиш каби қўшимча мажбуриятлар юклатилмоқда. Бу талабларни бажармайдиган пудратчилар тизимга киритилмайди.

Маълумки, бугунги кунда сув тежовчи тизим жорий қилинган ҳар бир гектар учун 8 миллион сўм миқдориде субсидия берилади. Шу пайтгача бу маблағнинг 50 фоизи технология ўрнатилган йилда, қолгани келгуси йили унинг ишлатилишига қараб тўланар эди. Энди бу борада ҳам қудайлик яратилиб, барча субсидия маблағларини ўша йилнинг ўзида тўлаб бериш белгиланмоқда.

Давлатимиз раҳбари бу таклифларни маъқуллаб, сўнгги истеъмолчиларга бўлган тизимни тўри йўлга қўйиш, сувни тежаш ишларини кенгайтириш бўйича кўрсатмалар берди.

Ў.А.

ЎЗБЕКИСТОНГА ХОРИЖ САРМОЯСИНИ ЖАЛБ ЭТИШ ВА ТАДБИРКОРЛИК УЧУН КЕНГ ИМКОНИАТЛАР ЯРАТИШ ЯНАДА ФАОЛЛАШАДИ

ЧЕТ ЭЛ ОММАВИЙ АХБОРОТ ВОСИТАЛАРИ ЎЗБЕКИСТОН ПРЕЗИДЕНТИНИНГ ЯНГИ ЙИЛ ТАБРИГИ ҲАҚИДА.

Президент Шавкат Мирзиёевнинг Ўзбекистон халқига йўллаган Янги йил байрами табригида 2024 йил мамлакатимизда “Ёшлар ва бизнесни қўллаб-қувватлаш йили” деб эълон қилинди. Бу юртимизда навқирон авлодга бўлган эътиборни кучайтириш ва тадбиркорликни қўллаб-қувватлаш бўйича ишлар кўламини янада кенгайтириши табиий. Ўзбекистоннинг 2024 йилда белгиланган давлат сиёсатининг устувор йўналишлари нафақат юртимиз вакиллари, балки хорижий экспертлар ҳамжамияти ва етакчи оммавий ахборот воситалари томонидан ҳам олқишланмоқда.

Дунё нигоҳи

Жумладан, етакчи хорижий оммавий ахборот воситалари давлатимиз раҳбарининг Янги йил байрами муносабати билан йўллаган табригида қайд этилган истиқболдаги муҳим режалар ва 2024 йилга берилган номинг аҳамиятини кенг ёритмоқда. Уларда баён қилинишича, бу — Ўзбекистонда аҳоли фаровонлигини ошириш, ёшларни ҳар томонлама қўллаб-қувватлаш ҳамда ишбилармонлик муҳитини янада яхшилаш суръатлари ошишидан ниҳосан.

Хусусан, Словакиянинг оммабоп ва нуфузли “Финансовая газета”сида “Президент Шавкат Мирзиёев 2024 йилни Ўзбекистонда Ёшлар ва бизнесни қўллаб-қувватлаш йили деб эълон қилди” сарлавҳали мақола чоп этилди.

“Comenius Analytica” таҳлилий маркази бош директори ва нашр муҳаррири Владо Башишин қаламига мансуб мазкур материалда давлатимиз раҳбарининг Ўзбекистон халқига йўллаган Янги йил табригида билдирилган самимий

тилақлар ва мамлакатимизни янада ривожлантириш бўйича муҳим ташаббусларнинг мазмун-моҳияти ҳамда аҳамияти батафсил таҳлил қилинган.

“Янги йилда Ўзбекистонга хориж сармоясини жалб этиш, тадбиркорлик ва хусусий мулкчилик учун кенг имкониятлар яратиш фаоллашади, — деб ёзган муаллиф. — Бу ҳақда Ўзбекистон Президенти мамлакат халқига йўллаган Янги йил табригида айтиб ўтди.”

“Финансовая газета”да эълон қилинган мақолада таъкидланганидек, жорий йилда республикада илм-фан, инновация, IT каби соҳаларни, “ашил” ва рақамли технологияларни ривожлантиришга алоҳида эътибор қаратилади.

Бундан ташқари, янги иш ўринлари ташкил этиш, аҳоли даромадларини ошириш давлат раҳбариятининг эътибор марказида бўлади. Иш ҳақи, пенсия, стипендия ва нафақалар миқдори кўпайтирилади. Хотин-қизлар ва нурунийларни, ёрдамга муҳтож инсонларни қўллаб-қувватлашга



Юсуф БУРИЕВ олтис сурат.

алоҳида аҳамият берилади. Ижтимоий соҳалар ривожини мутлақо янги босқичга кўтарилади.

“Ўзбекистон етакчиси 2023 йил эл-юрт учун кут-барақали ва омадли келганини айтиб ўтди. Энг муҳими, юрда тинчлик-осойишталик, турли миллат вакиллари ўртасида дўстлик ва ҳамжихатлик ҳукм сураётгани алоҳида ургунди”, деб ёзган Владо Башишин.

Ушбу стратегия аҳолининг турмуш даражасини ва иқтисодий барқарорлигини оширишга хизмат қилади. Ҳукумат томонидан аёллар, кексалар ва муҳтожларни қўллаб-қувватлаш давом эттирилади. Бу мажбурият ҳукуматнинг ижтимоий адолат ва фаровонлиқни таъминлашга содиқлигини билдиради.

Давлатлараро “Мир 24” телеканали сайтида ушбу мавзуда берилган мақолада ёзилганидек, Ўзбекистон Президенти 2024 йилни мамлакатда “Ёшлар ва бизнесни қўллаб-қувватлаш йили” деб эълон қилди.

“Ўзбекистон Президенти янги 2024 йилда мамлакатда хорижий инвестицияларни жалб этиш,

тадбиркорлик ва хусусий мулк учун кенг имкониятлар яратиш янада кучайтирилиши таъкидлади”, дейилади материалда.

Россиянинг машур “ТАСС” ахборот агентлиги давлатимиз раҳбарининг Ўзбекистон халқига Янги йил табригида қайд этилган янги иш ўринлари яратиш, аҳоли даромадларини кўпайтириш, иш ҳақи, пенсия, стипендия ва нафақаларни ошириш бўйича режалар ҳақида ёзди.

“Инсон қадрини улуғлаш, аҳолининг манфаатларини таъминлаш, бунинг учун кучли иқтисодий барпо этиш бизнинг асосий вазифамиздир. Шу мақсадда 2024 йилни мамлакатимизда “Ёшлар ва бизнесни қўллаб-қувватлаш йили” деб эълон қилдик”, дея Ўзбекистон Президенти сўзларидан иқтибос келтирган агентлик.

«Дунё» АА.

2023 ЙИЛДА ҲИНДИСТОНДАН ЎЗБЕК ЗАМИНИГА САЁҲАТ

2022 йилдагига нисбатан қарийб тўрт баравар кўпайди

Янги йилнинг дастлабки кунларида Ҳиндистоннинг оммабоп “Times of India” газетасида “Ҳиндистонликлар нима учун Ўзбекистонга саёҳат қилмоқда?” сарлавҳали мақола чоп этилди.

Мақола муаллифи, ёзувчи ва миллий ошхоналар шинавандаси Манжулика Прамод дунё бўйлаб кўп саёҳат қилади ва кишиларни сафарга чорлайдиган қизиқарли таассуротларини мунтазам ёритиб боради.

Туризм

“Саёҳатлар харитасида асосий ва оммабоп туристик масканлар порлашда давом этар экан, ҳозирча кам танилган йўналишлар ҳам ўз сўзини айтмоқда. Сўнгги бир неча йил давомида илгари оммавий туризм учун унчалик машур бўлмаган жойларнинг жозибдорлиги кутимланган тарзда ўсмоқда. Айрим давлатлар туризм соҳасини қўллаб-қувватлаш бўйича изчил тадбирларни фаоллаштирмоқда. Ўзбекистон бу

борада намуна кўрсатмоқда”, дейилади мақолада.

Манжулика Прамод Ўзбекистон хиндлар учун виза сиёсатини юмшатишдан сўнг Ҳиндистондан сайёҳлар оқими тезлашгани ҳақида сўз юритган. Энг катта жалб этувчи омиллар сифатида маданий ўршашилик ва Марказий Осиё маданияти ҳақида маъморчилигига бўлган катта қизиқиш айтиб ўтилган. Қолаверса, Ҳиндистоннинг Ўзбекистон билан мустақамламини бораётган ало-

қалари ўзаро серқирра муносабатлар, шунингдек, икки мамлакат ўртасидаги яқинлик ва тарихий алоқаларга асослангани таъкидланган. Ўзбекистон янги 2024 йилда саёҳатчилар, албатта, ташриф буюриши керак бўлган йўналишлар рўйхати киритилгани қайд этилган.

“Ўзбекистон туризм соҳасига узқини кўзлаган ҳолда ва дўстона муносабатда бўлмоқда, — дейди муаллиф. — Ҳаммаси минимал миқдордаги ҳужжатлар сўраладиган оддий электрон виза сиёсатини жорий этишдан бошланди. Бу жараён авиачипталар, меҳмонхоналарни брон қилиш ёки банкдаги ҳисобварағидан кўчирмаларни талаб этмайди. Сизга керак бўлган нарсалар — бу рақамли фотосурат, паспорт нусхаси ва яна баъзи маълумотлардан иборат. Бу жуда ҳам оддий ва осон эмасми? Сиз электрон виза аанкетани таҳминан ўн дақиқада, эҳтимол ундан ҳам камроқ вақт ичида тўлдиришингиз мумкин.”



ОРЗУЛАР РЕАЛ ҲАҚИҚАТГА АЙЛАНМОҚДА

Халқимиз янги орзу-умидлар ила янги йилга қадам кўйди. 2023 йилда юртимиздаги тинчлик бардавом, ҳаётимиздаги тўкинлик, фаровонлик, эришган ютуқларимиз кўп бўлди.

Муносабат

Давлатимиз раҳбарининг Ўзбекистон халқига Янги йил табригида билдирилган самимий тилақлари ва келажак режалар ҳақидаги фикрларини эътибор билан тингладик. Табрикда таъкидланганидек, 2023 йил эл-юртимиз учун кут-барақали ва омадли келди. Тарихимизда биринчи марта умумхалқ референдуми асосида янгиланган Конституциямизни қабул қилдик. Келгуси тараққиётимизни белгилаб берадиган “Ўзбекистон — 2030” стратегиясини амалга оширишни бошладик.

Юртимизда кўплай ну-

фузли анжуманлар юқори савияда ўтди. Халқаро майдонларда муҳим ташаббуслар илгари сурилди, иқтисодий ўсиш суръатлари барқарорлиги сақлал қолди. Демак, бугунги кунда Янги Ўзбекистон орзуси реал ҳақиқатга айланмоқда.

Давлатимиз раҳбари эришилган ютуқларимизни эътироф этган ҳолда 2024 йилни мамлакатимизда “Ёшлар ва бизнесни қўллаб-қувватлаш йили” деб эълон қилди. Янги йилга бундай ном берилгани биз, олий таълим тизими вакиллари нихоятда қувонтирди.



ИННОВАЦИЯ — ТАРАҚҚИЁТ САРИ МУҲИМ ҚАДАМ

Бугунги кунда дунёда барча соҳа янги технологиялар, илмий-техникавий ютуқлар ва инновациялар асосида ривожланиб, тобора такомиллашиб бормоқда. Инновация ҳақида гап кетганда, шунинг айтиши жоизки, у жуда мураккаб жараён бўлиб, оддий сўз билан ифода қилинганда, тўпланган билим ва тажрибани ёки иштиро қилинган кашфиёт ва ишланмани даромадга айлантириш маъносини англатади. Қолаверса, инновация пул ишлаб топиш, халқ турмуш фаровонлигини юксалтириш, вақтни тежаш, махсулотни арзонлаштириш ва оммалаштириш билан боғлиқ савий-ҳаракатдир.

Айниқса, кишлоқ хўжалигида инновацияларни амалга ошириш жуда долзарб бўлиб, ҳар қарич ердан олинадиган даромадни кўпайтиришга ва етиштирилган махсулот таннархини камайтиришга қаратилгани билан муҳим аҳамият касб этади.

Кишлоқ хўжалиги: кеча ва бугун

Янги билим, воситалар ва технологиялар
Бошқа соҳаларда бўлгани каби аграр тармоқда олиб борилган қатор илмий изланишлар

бугун бутун дунёда ўзининг ижобий натижаларини бермоқда. Айниқса, инновацион ютуқлар самаралари ривожланган мамлакатлар тажрибаларида кўзга яққол ташланади. Хусусан, АҚШ, Хитой, Австралия, Нидерландия

ва бошқа бир неча мамлакатлар бу соҳада етакчилик қилиб келишаётди.
Хўш, айнан қайси тармоқларда қандай янги ишланмалар, инноваторлик ишлари қўл келмоқда, деган савол туғи-

лиши табиий. Бу айнан кишлоқ хўжалиги соҳасида уруғни саралаш, ерни тайёрлашдан тортиб, ҳосилни йиғиб олиш ва уни қайта ишлаш жараёнининг тобора автоматлашиб бораётгани билан изоҳланади.

Иқлим ўзгариши, сув танқислиги ва тупроқ деградацияси, озик-овқат хавфсизлиги, махсулот сифатини сақлаш билан боғлиқ жиддий муаммоларни енгиб ўтиш, қишлоқ хўжалиги ва озик-овқат тизимларига қиймат қўшадиган, уй хўжалиқлари даромадларини оширадиган янги бозорлардан фойдаланиш имкониятига эга бўлиш, фермерлар ва тармоқ

корхоналари учун талаб қилинадиган янги билим, воситалар ва технологияларни яратишга фақатгина илмий тадқиқот ва инновациялар орқали эришиш мумкин.

Қишлоқ хўжалигидаги инновациялар замирида серҳосил, иқлимга мос, касалликларга чидамли янги нав, янги уруғ ҳамда зот ва насл яратишни жорий этиш мужассам, десак, хато қилмаган бўламиз. Бу эса интеллект ва илмий тадқиқотлар, соҳада зиёли қатлам — олимлар, мутахассислар илмий салоҳиятини ривожлантириш билан чамбарчас боғлиқ.



Брифинг

ҚЎМИТА ФАОЛИЯТИ САРҲИСОБ ҚИЛИНДИ

Аввал хабар берилганидек, Олий Мажлис Қонунчилик палатаси қўмиталари ўтган йилдаги фаолиятини танқидий-таҳлилий кўриб чиққан ҳолда, келгусидаги устувор вазифаларни белгилаб олмоқда.

Парламент қуйи палатасининг Коррупцияга қарши курашиш ва суд-ҳуқуқ масалалари қўмитаси ўтказган брифингга қўмитанинг 2023 йилдаги фаолияти ҳақида ахборот берилди.

Таъкидланганидек, ҳисобот даврида қўмиита Қонунчилик палатасининг асосий вазифа ва функцияларидан келиб чиқиб 6 та йўналишда иш олиб борди. Коррупцияга қарши курашиш ислохотларини янада чуқурлаштириш, суд-ҳуқуқ соҳасини ислоҳ қилиш каби муҳим йўналишларнинг ҳуқуқий пойдеворини мустақамлашга устувор аҳамият қаратди. Утган даврда қўмиита қонун ижодкорлиги йўналишида 38 та қонун лойиҳаси

учун масъул бўлган. Ушбу қонунлар билан фуқаролар ва тадбиркорлар учун судга шикоят қилишнинг уч ойлик муддати олти ойгача узайтирилди. Тадбиркорлик субъектларининг банк ҳисобварақларидан пул маблағларини уларнинг розилигисиз олиб қўйганлик учун жиноий жавобгарлик чоралари белгиланди. Адвокатлик фаолияти билан шуғулланган учун талаб этиладиган икки йиллик иш стажини бекор қилинди.



МИЛЛАТ КЕЛАЖАГИГА ДАХЛДОР МАЪРИФАТ СОАТИ

Президентимиз раислигида ўтган йил 22 декабрь куни ўтказилган Республика Маънавият ва маърифат кенгашининг кенгайтирилган йиғилиши том маънода маънавият вақти, маърифат соати вазифини бажарди, десак, ўринли бўлади.



дунё саҳнасида, давлатимиз раҳбари айтгани каби, ўзбек, ўзбекистонлик, Ўзбекистон номи қолиши учун бугун ҳамма оёққа туриши керак! Кенгаш йиғилишида давлатимиз раҳбари томонидан ташкилотларнинг иши эмас, балки умуммиллат иши экан, деган тўхтамга келасан. Боиси

чирикларини, маънавият нурларини ёқди, деб ўйлайман. Ва бу чириклар, бу нурлар ҳеч қачон ўчмаслиги, катта бир ғоя атрофида — элу юрт тинчлиги, оёйишталлиги бардавонлиги, Ватанни тараққиётга элтиш ғояси остида ҳар биримиз бир-лашимиз даркор.

Кенгаш йиғилишида бугунимиз ва эртанимизга доир муҳим ғоялар, таклиф ва ташаббуслар илгари сурилди. Биз кутган, орзу қилган, шу билан бирга, ғуруримизни уйғотиладиган масалалар ҳам кун тартибидан бўлди. Бу, айниқса, жадид боболаримиз шаъни, кадр-қимматини янада юксалтириш, улар меросини кенг ўрганиш, илгари сурган ғояларини амалга ошириш бўйича

билдирилган фикрлар даврийнинг энг долзарб масалаларини ҳал этишда қўл келадди. Хусусан, давлатимиз раҳбарининг тараққиёт тоған давлатлар ютуқларини олишимиз, айни чоғда, ўзлимизни, миллий кадрларимизни, ментал хусусиятларимизни сақлаб қолишимиз кераклиги ҳақидаги фикрлари таҳсинга сазовордир.

Умуман олганда, маънавий-маърифий ишлар самарадорлигини оширишда ҳар биримизнинг зиммамизда катта масъулият бор. Шундай экан, бор куч-салоҳиятимизни илмли, одоб-ахлоқли, етук авлод-ни тарбиялаш учун сарф этсак, миллимиз келажаги, эртаси бундан-да ойдин ва ёруғ бўлади.

Лола САОДАТОВА,
Республика Маънавият ва маърифат маркази Қашқадарё вилояти бўлими раҳбари.



IT МАКТАБ ВА ИНГЛИЗ ТИЛИ ЎҚУВ МАРКАЗИ ОЧИЛДИ

Янги йил байрами шуқуҳи Навоий вилоятининг олис ҳудудларида ҳам болаларга олам-олам қувонч бахш этди.

Хусусан, вилоятнинг Зарафшон шаҳрида "Президент арчиси" байрам тадбири ташкил этилиб, Қизилқум шимолидаги ҳудудлар — Зарафшон шаҳри, Томди ва Учқудуқ туманларидаги оилавий болалар уйлари тарбияланувчилари, ота-она қаровисиз қолган ўғил-қизлар ва Ватанимиз тинчлиги, сарҳадларимиз оёйишталлиги йўлида қурбон бўлган ҳуқуқни муҳофаза қилувчи органлар ходимларининг фарзандларига "Президент совғаси" топширилди.

"Олтин водий" маданият марказида бўлиб ўтган ушбу тадбирда иштирокчи болалар учун театрлаштирилган томоша намойиш этилди. Шу кун Зарафшон шаҳрида "Thompson school" IT мактаби ва инглиз тили ўқув марказининг очилиш маросими ҳам бўлиб ўтди. Мазкур ўқув марказида минг нафар йиғит-қизга IT ва дастурлаш бепул ўргатилади. Шу билан бирга, инглиз тилидан ҳам таҳсил бе-

рилиб, билимларини ошириб боришига имконият яратилади. Вилоятнинг олис ҳудудларидан бири — Фозгон шаҳрида эса таълим-тарбия маскани яна биттага қўяйди. Шаҳарнинг 4-умумтаълим мактаби ўқувчилари ва педагоглар жамоаси қурувчилардан янги ўқув биносининг рамзий қалитини қабул қилиб олди.

Мазкур мактаб шу кунга қадар шаҳардаги Шайхон маҳалласида жойлашган 1-умумтаълим мактабининг филиали бўлиб, унда 180 ўқувчи билим олар эди. Янги бинода 184 нафар ўқувчини бағрига олган таълим муассасасида ёшлар билим олиш билан бирга, касб-ҳунар эгаллаши учун ҳам барча имконият яратилган. Билим даргоҳи ўқув йилнинг учинчи чорагини умумий ўрта таълим мактаби мақоми остида бошлайди.

Темур ЭШБОЕВ
(«Халқ сўзи»).

ЯНГИ ЙИЛ ЯНГИ УЙЛАРДА КУТИБ ОЛИНДИ

Хонқа туманидаги "Янги Ўзбекистон" массивида 296 та хонадонга мўлжалланган 13 та кўп қаватли уй фойдаланишига топширилди.

Шу муносабат билан давлат ҳамда жамоат ташкилотлари вакиллари, нуронийлар иштирокида ўтказилган тадбирда хонадон эгаларига янги уйларнинг қалитлари тантанали равишда берилди, бунёдкорлик ишларида фаол қатнашган қурувчилар муносиб рағбатлантирилди.

соннинг кўнгли хотиржам, оиласи бадастир бўлади. Бугун бизнинг неча йиллик орзуимиз ушалади. Сирасини айтганда, янги уйлар маҳалламиздаги 296 та оила учун чинакам байрам совғаси бўлди. Бу Президентимиз томонидан илгари сурилган "Инсон қадири учун" ғоясининг ҳаётдаги яна бир амалий ифодасидир. Маълумот учун, 2023 йил Холаризм вилоятида 4487 та хонадонга мўлжалланган 146 та кўп қаватли уй қурилиб, шундан 1725 та хонадондан иборат 70 та уй-жой туманлардаги "Янги Ўзбекистон" массивларида барпо этилди.

Одилбек ОДАМБОЕВ
(«Халқ сўзи»).

Тўхта

Массивда жами 1440 та хонадонга мўлжалланган 52 та кўп қаватли уй-жойлар, кўп ўринли мактабга таълим муассасаси, умумтаълим мактаби, савдо ва маиший хизмат кўрсатиш шох-хобчалари қурилиши режалаштирилган. Ушбу бунёдкорлик ишлари амалга оширилиши натижасида тумандаги уй-жойга муҳтож уч мингдан ортиқ оилалар бошпанали бўлади.

— Аслида ҳам уй-жой инсон учун энг зарур, бирламчи моддий эҳтиёжлардан бири саналади, — дейди янги уй соҳиби Абдулла Ҳайитов. — Ўзи уй бор ин-

Истам ИБРОҲИМОВ
(«Халқ сўзи»).

ИССИҚХОНАДАН — БОЗОР РАСТАСИГА

Деҳқончилик ҳадисини олган, йўқдан бор қила оладиган миришкорларимиз кўп.

Шундайлардан бири — Бухоро туманининг "Работикалмоқ" маҳалла фуқаролар йиғини ҳудудидаги Янгиобод қишлоғида яшовчи Эркин Рўзиев ўтган йилнинг сўнгги ойларида томорқасидаги иссиқхонада етиштирилган салкам ярим тонна лимонни бозорга чиқарди.



Омилкорлик

— Ҳосил бундан ҳам кўпроқ бўлиши мумкин эди, — дейди асли касби устачилик бўлган Эркин ака. — Бир туپ лимон дароҳидан 70 килограммга етказиб ҳосил олган пайтларимиз бор. Аммо 2022 йилги анормал совуқ лимон кўчатларига бироз зиён етказди. Шундай бўлса-да, минг шукри, иссиқхонадан топилган қўшимча даромад рўзгор каму кўстини тўлдиряпти.

— Лимоннинг инсон саломатлигига фойдаси катта, — дея сўзбатга қўшилади узоқ йиллар шифохонада ҳамширалик қилган, айни дамда пенсияда бўлган Феруза Уринова. — Йилгирма йилки, лимончилик билан шуғулланамиз. Очиғи, у кўп меҳнатдаги ҳароратни меърида сақлаб, парваришини обитобида олиб борсангиз, бас. Қўриб турганингиздек, иссиқхона кўш қаватли полиэтилен

плёнка билан ёпилган. Ҳаво совиган заҳоти похот тутатиш орқали иссиқхонадаги ҳароратни меърида сақлаб турамыз.

Қиш-қировли кунларда иссиқхонада қишлоқ хўжалиги маҳсулотлари, айниқса, помидор, бодринг, булғор қалампирини етиштиришнинг ўзи бўлмайди. Маҳалла бўйича ҳоким ёрдамчиси Бекзод Асадов шуни таъкидлар экан, бизни "Зарафшон — боддорчилик" дея номланган чекка ҳудуд сари бошлади. Шу ерлик Толмас Чўлиев ўн сотих ерда иссиқхона тўрт қишқини мавсумий ишга жалб қилган Толмас Чўлиев 2023 йилнинг сентябрида бодринг экиб, 7 тоннадан зиёд ҳосил олди. Мўмағина — 100 миллион сўм даромад қилди. Унга қадар эса беш тоннадан зиёд помидор етиштирди.

— Ёзда маҳаллий ўғит солиб ерга "дам" бердик, — дейди у. — Негаки, ер ҳам жонли организмга ўхшайди. Қаттиқ меҳнатдан сўнг хордиқ чиқариши керак. Кун кеча бодринг палагини йиғиштириб олди. Дарҳол помидорнинг узоқ муддат яхши сақланадиган ва мазали таъмга эга навли кўчатидан 2700 туپ ўтказдик. У февраль охири, март ойи бошларида пишиб этилади. Камиди 8 тонна ҳосил олишни чамалаб турибмиз.

Исми жисмига монанд Толмаснинг яхши бир одати бор. Маҳсулотни ўзи бозорга чиқариб сотади. Иссиқхонадан тўридан-тўри бозор растасига чиқса маҳсулот чўнтақ-боп нарҳда сотилади, харидор берган пулига рози бўлади, деб ҳисоблайди.

Айтмоқчи, табиий газ ва сув таъминоти бўлмаган чекка бир ерда бу инсон иссиқхона қандай қилиб уз-

луксиз иштаяпти, деган савол туғилиши табиий.

— 50 тонна кўмир сотиб олганмиз, — дейди у. — Сувни эса машинада келтирамиз. Текинга эмас, албатта. Экинни томчилатиб суғорамиз. Иссиқхонадаги ҳарорат тунда 14 даражадан тушмаслиги керак.

Ростини айтганда, ўн сотихли иссиқхона кўмир ёки ўтинда иситиб, помидор, бодринг етиштиришга ҳар қим ҳам журъат қилвермайди. Маълум сабабларга қўра, томорқачиларга табиий газ таъминоти йўлга қўйилмаган. Йирик иссиқхона хўжаликлари бундан истисно, албатта. Шу боис ҳам айни пайтда томорқа ер эгаларининг аксарияти резавор кўкатлар етиштириш билан кифояланмоқда.

Дейлик, Бухоро шаҳридаги "От-бозор" маҳалла фуқаролар йиғини ҳудудидаги ўнлаб иссиқхоналарда фақат шивит, кўкпиз, саримсоқ-пиз каби кўкатлар етиштирилади. Ваҳоланки, 16 минг аҳоли яшовчи маҳалла маҳсулларининг таъкидлашича, хонадонларнинг 96 фоизи ердан оқилона фойдаланиб, бозор расталарини тўқин этишга ҳисса қўшиши мумкин.

Бинобарин, уч-тўрт, етти-саккиз сотихли иссиқхоналарни қишда иситишнинг илмий асосланган, нисбатан арзон усуллари сув ва ҳаводек зарур. Шундагина помидор, бодринг, булғор қалампирини каби савзавотларнинг нархи барқарор бўлади. Қолаверса, бу турдаги маҳсулотларни экспорт қилиш салмоғи ҳам ошадди.

Истам ИБРОҲИМОВ
(«Халқ сўзи»).

Акс садо

Давлатимиз раҳбари Маънавият ва маърифат кенгаши раиси сифатида жамиятимиз ҳаётидаги энг долзарб масалаларни ўртага ташлади. Шу билан бирга, турли муаммолар ҳам маънавий таҳдидларни ҳал қилиш йўллари кўрсатди.

Йиғилишда иштирок этар эканман, шоирнинг "Тараққиёт, севаман сени, тараққиёт, қўрқаман сендан" деган сатр-

лари бот-бот ёдимга тушди. Сабаби бугун дунё қанчалик ривожланган, ахборот технологиялари ўзига хос юксалиш босқичига етгани сайин аҳолининг, айниқса, ёшларнинг онгини, қалбини, тафаккурини забт этишга уриниш ҳоллари, афсуски, кўп учрамоқда. Бу каби ёт ғояларга қарши курашиш фақатгина соҳа одамларининг ёки мутасадди ташкилотларнинг иши эмас, балки умуммиллат иши экан, деган тўхтамга келасан. Боиси

Ўнга яқин объектлар иш бошлади

Янги йил байрами кунлари Самарқанд вилоятининг Қўшработ туманидаги Дўстлик маҳалласи Боки Чигатой қишлоғига олиб борувчи янги кўприк қурилиб, фойдаланишига топширилди.

Кулайлик

Мазкур кўприк очилиши кўп йиллардан бери, айниқса, ёгин-сочинли, сойдан сел тошган вақтларда Хонназар, Кўргон, Дўстлик маҳаллалари аҳолисини қийнаб келаятган муаммага барҳам берди.

Бу ҳали ҳаммаси эмас. Миришкор маҳалласида эса оилавий шифокор пункти фаолияти йўлга қўйилди. Туман марказидан 56 километр узоқликда жойлашган мазкур муассаса 2 мингга яқин

аҳолига тиббий хизмат кўрсатади.

Кувкалла маҳалласида 120 ўринли 17-давлат мактабга таълим ташкилотининг янги биноси қурилиб, ишга туширилди. Давлат дастури асосида битказилган мазкур объект уч қаватдан иборат бўлиб, эндиликда унда тўртта гуруҳ ўз фаолиятини бошлади.

Эътиборлиси, бундай бунёдкорлик ишлари туманининг бошқа ҳудудларида ҳам изчил давом эттирилмоқда.

Абдулазиз ЙЎЛДОШЕВ
(«Халқ сўзи»).

Иккита поликлиника замонавий бинода фаолият кўрсатади



Анджон туманида иккита поликлиника ўз фаолиятини замонавий биноларда давом эттирадиган бўлди.

Гап шундаки, "Шарқ юлдузи" маҳалла фуқаролар йиғинида жойлашган 3-оилавий поликлиника биноси эллик йил муқаддам қурилган бўлиб, илгари жамоа хўжалиги идораси вазифини ҳам ўтаган. Орадан ўтган давр мобайнида бино таъмир-талаб ҳолатга келиб қолди. Энг ачинарлиси, у тиббий хизмат кўрсатишга мослашганиги боис аҳолини қабул қилишда айрим муаммолар мавжуд эди.

Тиббий хизмат

1 миллиард 200 миллион сўм эвазига бажарилган таъмирлаш ишларидан сўнг бино замонавий кўриниш касб этди. Хоналар тиббий муассасага мослаштирилиб, талаб даражасига келтирилди.

— Поликлиникада беморларга таъхис қўйиш билан бир қаторда даволаниш учун ҳам барча шароит яратилганлигидан хурсандимиз, — дейди Храбек қишлоғида истиқомат қилувчи Абдуваҳоб Исроилов. — Тажрибали шифокорлар замонавий тиббий жиҳозлар ёрдамида турли касалликларни даволашга шай. Маҳалламизда шундай хизматнинг мавжудлиги, айниқса, биз каби нуронийлар учун ниҳоятда қулай.

Хозирда поликлиникада 90 нафар тиббиёт ходими

24,5 мингдан зиёд аҳолига хизмат кўрсата бошлади. Шунингдек, поликлиника тасарруфидидаги 5 та тиббий пункт 8 та маҳаллани қамраб олган.

Тумандаги Қоратут маҳалла аҳолиси ҳам ана шундай имкониятдан фойдаланадиган бўлди. 1,2 миллион сўм маблағ эвазига амалга оширилган таъмирлаш ишлари натижасида Охунбобоев номи оилавий поликлиника барча қулайлик яратилган замонавий биного эга бўлди. Бу "Чем", "Дархон" ва "Асака йўли" маҳалла фуқаролар йиғинларида истиқомат қилувчи 13 минг 700 нафар аҳолига сифатли тиббий хизмат кўрсатиш имконини берди.

Саминжон ҲУСАНОВ
(«Халқ сўзи»).

РЕКЛАМА

«ЎЗБЕКИСТОН РЕСПУБЛИКАСИ ТАШҚИ ИҚТИСОДИЙ ФАОЛИЯТ МИЛЛИЙ БАНКИ» АКЦИЯДОРЛИК ЖАМИЯТИ АКЦИЯДОРЛАРИНИНГ НАВБАТДАН ТАШҚАРИ УМУМИЙ ЙИҒИЛИШНИНГ ЎТКАЗИШ ТЎҒРИСИДА

Жамият номи: «Ўзбекистон Республикаси Ташқи иқтисодий фаолият миллий банки» акциядорлик жамияти.

Жойлашган жойи: 100084, Ўзбекистон Республикаси, Тошкент шаҳри, Амир Темур шоҳқўчаси, 101-уй.

ЭЛЕКТРОН ПОЧТА МАНЗИЛЛАРИ: info@nbu.uz, webmaster@nbu.uz

Умумий йиғилиш ўтказиш санаси ва манзили: 2024 йил 25 январь, соат 11:00. Тошкент шаҳри, Амир Темур шоҳқўчаси, 101-уй.

Акциядорларнинг реестри шакллантирилган сана: 2024 йил 19 январь.

Кун тартибига киритилган масалалар:

- «Ўзбекистон Республикаси Ташқи иқтисодий фаолият миллий банки» акциядорлик жамияти акциядорларининг навбатдан ташқари умумий йиғилиши санок комиссиясининг таркибини тасдиқлаш;
- Жамият акциядорларининг навбат-

дан ташқари умумий йиғилиши регламентини тасдиқлаш;

3. Акциядорлик жамияти уставига ўзгартириш киритиш;

4. Акциядорлик жамиятининг ташкилий тузилмасига (структурасига) ўзгартириш киритиш;

5. Жамиятнинг ташқи аудити I ярим йиллик бўйича ҳисоботини қўриб чиқиш ва тасдиқлаш;

6. Жамиятнинг 2023 йил I ярим йиллик яқунлари бўйича соф фойдасини тасдиқлаш;

7. «Кўзда тутилмаган ҳолатлар» ҳисобварақларида 5 йилдан ортиқ муддатдан буён ҳисоби юритилаётган ва ундириш манбалари мавжуд бўлмаган кредит қарздорликларини ҳисобдан чиқариш тўғрисидаги «Ўзмилийбанк» Кузатув кенгашининг қарорини тасдиқлаш тўғрисида.



• МАНЗИЛИМИЗ:
100066,
Тошкент шаҳри,
Ислом Каримов кўчаси, 55-уй.
Навбатчи муҳаррир — Р. Шеркулов.
Муасхаси — С. Исломов.

Халқ сўзи Народное слово

МУАССИСЛАР:
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши

ТЕЛЕФОНЛАР:
Девонхона 71-259-74-51; қотибқолган 71-259-74-53; эълонлар 71-259-74-55.



«Шарқ» нашриёт-матбаа акциядорлик компанияси босмаҳонаси. Корхона манзили: Буюк Турон кўчаси, 41. ЎЗА яқуни — 21.15 Топширилди — 23.05 1 2 3 4 5 6